



**TAJUK KHUTBAH JUMAAT**

**Siri: 15/2023**

**MENGGAPAI LAILATUL QADAR**

**23 Ramadan 1444 H**

*Bersamaan*

**14 April 2023**

**DIKELUARKAN OLEH:**

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## **KHUTBAH PERTAMA**

الْحَمْدُ لِلَّهِ الَّذِي بِنِعْمَتِهِ تَتِمُّ الصَّالِحَاتُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ عَلَى سَيِّدِنَا مُحَمَّدٍ، عَبْدِكَ وَرَسُولِكَ النَّبِيِّ الْكَرِيمِ،

وَعَلَى آلِهِ وَصَحْبِهِ وَسَلِّمْ تَسْلِيمًا كَثِيرًا.

أَمَّا بَعْدُ، فَيَا أَيُّهَا الصَّائِمُونَ، اتَّقُوا اللَّهَ حَقَّ تَقَاتِهِ، وَلَا تَمُوتُنَّ إِلَّا وَأَنْتُمْ مُسْلِمُونَ.

**Sidang Jumaat yang dirahmati Allah sekalian,**

Pertamanya marilah sama-sama kita meningkatkan ketakwaan kepada Allah SWT, iaitu dengan bersungguh-sungguh melaksanakan segala perintah-Nya, dan bersungguh-sungguh meninggalkan segala larangan-Nya. Sesungguhnya, hanya dengan bertakwa kepada Allah SWT sahajalah, setiap manusia akan memperoleh rahmat-Nya dan tergolong dalam kalangan hamba-Nya yang berjaya di dunia dan di akhirat.

Mimbar mulia pada hari Jumaat kali ini akan membicarakan khutbah yang bertajuk:

**“MENGGAJAI LAILATUL QADAR”.**

## **Sidang Jumaat yang dirahmati Allah sekalian,**

Ramadan merupakan bulan yang paling istimewa berbanding bulan-bulan yang lain. Antara keistimewaan bulan Ramadan ialah terdapat satu malam yang dikenali sebagai Lailatul Qadar. Allah SWT menjanjikan sesiapa yang beribadat dan memperolehi Lailatul Qadar mendapat kelebihan lebih daripada seribu bulan.

Jumhur ulama berpendapat bahawa malam Lailatul Qadar berada pada 10 malam terakhir bulan Ramadan. Disebabkan itu, Rasulullah SAW memperbanyakkan amal ibadat pada 10 malam terakhir bulan Ramadan. Bahkan kelebihan Lailatul Qadar turut dirakamkan dalam sebuah hadis Rasulullah SAW:

**مَنْ قَامَ لَيْلَةَ الْقَدْرِ إِيمَانًا وَاحْتِسَابًا غُفِرَ لَهُ مَا تَقَدَّمَ مِنْ ذَنْبِهِ**

**Maksudnya:**Sesiapa yang bangun untuk mengerjakan ibadat pada Lailatul Qadr dengan penuh keimanan dan mengharapkan ganjaran, akan diampunkan dosanya yang terdahulu.

(Hadis riwayat al-Bukhari)

## **Sidang Jumaat yang dirahmati Allah sekalian,**

Berdasarkan hadis yang dibacakan tadi, Rasulullah SAW sangat menggalakkan umat Islam untuk merebut kelebihan malam Lailatul Qadar tersebut. Terdapat pelbagai cara bagi menghidupkan 10 malam terakhir bulan Ramadan. Di sini Khatib akan menyebutkan beberapa cara sahaja sebagai panduan kita bersama.

**Pertama:** Memperbanyak membaca al-Quran

Al-Quran merupakan kitab suci yang diturunkan oleh Allah SWT kepada Rasulullah SAW untuk menjadi petunjuk kepada sekalian makhluk. Justeru, bacalah al-Quran sebanyak-banyaknya, lebih-lebih lagi pada bulan Ramadan yang mana pahalanya digandakan. Apatah lagi al-Quran itu sendiri diturunkan pada bulan Ramadan. Firman Allah SWT dalam ayat 185 Surah al-Baqarah:

شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ  
الْهُدَىٰ وَالْفُرْقَانِ ..... ﴿١٨٥﴾

**Maksudnya:** Bulan Ramadan yang padanya diturunkan Al-Qur'an, menjadi petunjuk bagi sekalian manusia, dan menjadi keterangan-keterangan yang menjelaskan petunjuk, dan perbezaan (antara yang benar dan yang salah).

**Kedua:** Melazimi zikrullah

Antara zikir yang boleh diamalkan oleh umat Islam bagi menghidupkan Lailatul Qadar antaranya ialah beristighfar, bertahlil, bertasbih, bertahmid, bertakbir dan berselawat ke atas junjungan besar Nabi Muhammad SAW.

**Ketiga:** Memperbanyak berdoa

Doa merupakan tanda pengantungan dan permohonan seorang hamba kepada Allah SWT. Firman Allah SWT dalam ayat 60 Surah Ghafir:

وَقَالَ رَبُّكُمْ ادْعُونِي أَسْتَجِبْ لَكُمْ

**Maksudnya:** Dan Tuhanmu berfirman: Berdoalah kamu kepada-Ku nescaya Aku akan perkenankan doa permohonan kamu.

Diriwayatkan bahawa Saidatina Aisyah RAnha pernah bertanya perkara ini kepada Nabi Muhammad SAW dan baginda menyuruh Saidatina Aisyah Ranha berdoa dengan doa:

اللَّهُمَّ إِنَّكَ عَفُوفٌ تُحِبُّ الْعَفْوَ فَاعْفُ عَنِّي

**Maksudnya:** Ya Allah Ya Tuhan Kami, sesungguhnya Engkau Maha Pengampun dan amat suka akan keampunan, maka berikanlah keampunan kepadaku.

(Hadis riwayat al-Tirmizi dan al-Nasa'i)

**Keempat:** Melazimi solat-solat sunat

Antara amalan dan ibadat yang sangat baik dilakukan ketika malam bulan Ramadan ialah dengan memperbanyakkan solat-solat sunat seperti Solat Sunat Tarawih, Tahajjud, Tasbih, Taubat, Witr dan sebagainya.

**Kelima:** Solat tarawih bersama imam sehingga selesai

Solat Sunat Tarawih mempunyai keistimewaan yang tersendiri kerana ia hanya boleh dilakukan pada bulan Ramadan sahaja, tidak seperti solat-solat sunat yang lain.

Dalam konteks di Malaysia termasuklah di Terengganu, lazimnya Solat Sunat Tarawih dilakukan secara berjemaah di masjid atau surau. Malangnya realiti semasa menunjukkan bahawa umat Islam hanya bersemangat mengerjakan Solat Sunat Tarawih ketika awal-awal bulan Ramadan sahaja. Melangkah 10 malam terakhir bulan Ramadan, kehadiran umat Islam di masjid dan surau mulai menyusut dan berkurang. Perkara sebegini sangat mendukacitakan. Sepatutnya umat Islam perlu terus istiqamah mengerjakan Solat Sunat Tarawih apatah lagi pada 10 malam terakhir bulan Ramadan sehingga selesai bersama imam. Sabda Nabi SAW yang bermaksud:

“Sesiapa yang bersolat bersama imam sehingga imam selesai, ditulis baginya berqiamullail sepanjang malam”

(Hadis riwayat Abu Dawud dan at-Tarmizi)

### **Sidang jumaat yang dimulikan,**

Sebagai akhirnya, mimbar sekali lagi ingin mengajak seluruh umat Islam untuk menghidupkan 10 malam terakhir bulan Ramadan dengan meningkatkan amal ibadat kepada Allah SWT seolah-olahnya Ramadan kali ini adalah Ramadan terakhir kita. Semoga dengan kesungguhan kita mengerjakan amal ibadat, kita berjaya menggapai malam Lailatul Qadar. Aminnn...

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّا أَنْزَلْنَاهُ فِي لَيْلَةِ الْقَدْرِ ﴿١﴾ وَمَا أَدْرَاكَ مَا لَيْلَةُ الْقَدْرِ ﴿٢﴾ لَيْلَةُ الْقَدْرِ خَيْرٌ مِّنْ

أَلْفِ شَهْرٍ ﴿٣﴾ نَزَّلَ الْمَلَكُ وَالرُّوحُ فِيهَا بِإِذْنِ رَبِّهِمْ مِّنْ كُلِّ أَمْرٍ ﴿٤﴾ سَلَّمَ هِيَ

حَتَّىٰ مَطَلَعِ الْفَجْرِ ﴿٥﴾

**Maksudnya:** Sesungguhnya Kami telah menurunkan (Al-Qur'an) ini pada Malam Laitatul-Qadar. Dan apa jalannya engkau dapat mengetahui apa dia kebesaran Malam Lailatul-Qadar itu? Malam Lailatul-Qadar lebih baik daripada seribu bulan. Pada Malam itu, turun malaikat dan Jibril dengan izin Tuhan mereka, kerana membawa segala perkara. Sejahteralah Malam (yang berkat) itu hingga terbit fajar.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،

وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،

وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،

وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،

وَالصَّائِمِينَ وَالصَّائِمَاتِ فَاسْتَغْفِرُوهُ،

إِنَّهُ هُوَ الْغَفُورُ الرَّحِيمُ.

## KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،  
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا  
مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.  
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

**Sidang Jumaat yang dikasihi.**

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا  
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا  
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،  
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ  
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.



اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.  
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجَذَامِ وَمِنَ السَّيِّئِ الْأَسْقَامِ. اللَّهُمَّ  
اشْفِ مَرَضَانَا وَارْحَمْ مَوْتَانَا، وَالطِّفْ بِنَا فِيمَا نَزَلَ بِنَا.  
اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ  
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ  
زَاهِرَةَ، سُلْطَانَةِ تَرَغْكَانُو.  
وَاحْفَظْ أَوْلَادَهُ وَأَهْلَهُ وَرَعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،  
بِرَحْمَتِكَ يَا أَرْحَمَ الرَّاحِمِينَ.  
اللَّهُمَّ احْفَظْ وَوَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ  
زَيْنِ الْعَابِدِينَ.

Ya Allah, Ya Rahman, Ya Rahim

Perbaikilah hubungan antara kami, pertautkanlah hati-hati kami dengan penuh kasih sayang, limpahkanlah dalam kehidupan keluarga kami sakinah, mawaddah dan rahmah. Hidupkanlah semangat bekerjasama dan bersatu padu dalam kejiranan dan qaryah kami.

Kurniakanlah kepada para belia dan remaja kami jiwa yang mantap, iman yang teguh, ilmu yang bermanfaat agar mereka menjadi generasi al-Qowiyul al-Amin, generasi yang hebat lagi amanah. Jauhkanlah mereka daripada perkara-perkara yang boleh menjatuhkan maruah diri, keluarga, masyarakat dan negara .

Ya Allah ,Tunjukkanlah kami jalan-jalan kebaikan dan kesejahteraan, selamatkan kami daripada kegelapan kufur menuju kepada sinar iman, peliharalah akidah kami berpandukan akidah ahli sunnah wal jamaah. Janganlah Engkau pesongkan hati kami daripada kebenaran. Akhiri hayat kami dalam keadaan Islam dan Iman.

Ya Allah ,Jadikanlah negeri Terengganu, negeri yang aman dan damai. Bukakanlah pintu-pintu rezeki dari segala penjuru. Jaukanlah negeri kami ini dan negara umat Islam seluruhnya daripada segala malapetaka, musibah dan apa jua kemurkaanMu. Amin Ya Rabbal alamin.

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ .  
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ .  
وَالْحَمْدُ لِلَّهِ رَبِّ الْعَالَمِينَ .

عِبَادَ اللهِ!

أَذْكُرُوا اللهَ الْعَظِيمَ يَذْكُرْكُمْ، وَأَشْكُرُوهُ عَلَى نِعْمِهِ يَزِدْكُمْ،  
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ .  
قُومُوا إِلَى صَلَاتِكُمْ، يَرْحَمْكُمْ اللهُ .